



Na osnovu člana 19. stav (1) tačka g), a u vezi sa članom 13. Zakona o Agenciji za bankarstvo Federacije Bosne i Hercegovine („Službene novine Federacije BiH“, br. 75/17) i čl. 12. tačka h) i 21. Statuta Agencije za bankarstvo Federacije Bosne i Hercegovine („Službene novine Federacije BiH“, br. 3/18), Upravni odbor Agencije za bankarstvo Federacije Bosne i Hercegovine na 72. sjednici održanoj dana 24.02.2022. godine donosi

ODLUKU

o raspisivanju javnog poziva za izbor i imenovanje članova Komisije za odlučivanje po žalbi protiv prvostepenih akata Agencije za bankarstvo Federacije Bosne i Hercegovine (Drugostepena komisija)

I

Raspisuje se javni poziv za izbor i imenovanje članova Komisije za odlučivanje po žalbi protiv prvostepenih akata Agencije za bankarstvo Federacije Bosne i Hercegovine (Drugostepena komisija), koji je u prilogu ove odluke.

II

Mandat na koji se imenuju članovi Drugostepene komisije je 4 (četiri) godine, počev od dana imenovanja.

III

- (1) Daje se ovlaštenje direktoru Agencije za bankarstvo Federacije BiH za imenovanje komisije koja će provesti postupak po raspisanom javnom pozivu iz tačke I ove odluke, sačini listu sa užit izborom kandidata koji ispunjavaju uslove iz javnog poziva, po potrebi prikupi dodatne informacije o kandidatima, obavi intervju sa kandidatima i sačini izvještaj o provedenom postupku.
- (2) Na osnovu izvještaja komisije iz stava (1) ove tačke, direktor Agencije se obavezuje da sačini prijedlog kandidata za izbor i imenovanje članova Drugostepene komisije, te isti uz izvještaj komisije dostavi Upravnom odboru na konačno odlučivanje.
- (3) Prijedlog direktora Agencije iz stava (2) ove tačke potrebno je da sadrži i prijedlog za imenovanje predsjednika, zamjenika predsjednika i tri (3) zamjenska člana Drugostepene komisije, koji mijenjaju stalne članove u slučaju njihove spriječenosti da učestvuju u radu Drugostepene komisije.
- (4) Predsjednik i zamjenik predsjednika će se birati iz reda izabranih članova Drugostepene komisije, dok će se zamjenski članovi Drugostepene komisije birati sa liste kandidata koji budu pozvani na intervju u postupku po Javnom pozivu.

IV

Ova odluka stupa na snagu danom donošenja.

Broj: U.O.-72-11/22
Sarajevo, 24.02.2022. godine



**Predsjednica
Upravnog odbora**

mr.sc. Ljerka Marić, dipl. ecc

Obrazloženje

Članom 13. Zakona o Agenciji za bankarstvo Federacije Bosne i Hercegovine („Službene novine Federacije BiH“, br. 75/17) definisano je da po žalbi protiv prvostepenih akata Agencije za bankarstvo Federacije Bosne i Hercegovine (u daljem tekstu: Agencija) odlučuje Komisija za odlučivanje po žalbi protiv prvostepenih akata Agencije (Drugostepena komisija), koju imenuje Upravni odbor, te da se isti imenuju se na period četiri godine i mogu se ponovo imenovati po istom postupku.

Članom 21. Statuta određeno je da Upravni odbor na prijedlog direktora Agencije imenuje pet članova Drugostepene komisije (uključujući predsjednika i zamjenika predsjednika Drugostepene komisije), na mandatni period od 4 godine, sa mogućnošću ponovnog imenovanja. Upravni odbor na prijedlog direktora imenuje i tri zamjenska člana Drugostepene komisije, koji mijenjaju stalne članove u slučaju njihove spriječenosti da učestvuju u radu Drugostepene komisije.

Trenutnom sazivu Drugostepene komisije imenovane Odlukom Upravnog odbora broj: 18-16/18 od 29.03.2018. godine ističe mandat 29.03.2022. godine.

Uvažavajući navedeno, s ciljem neometanog odvijanja procesa iz nadležnosti Agencije u dijelu donošenja akata iz postupaka nadzora subjekata bankarskog sistema i izricanja mjera nadzora u skladu sa zakonskim propisima kojima se uređuje rad i poslovanje subjekata bankarskog sistema, potrebno je pokrenuti postupak izbora i imenovanja Drugostepene komisije.

U skladu sa navedenim, predlaže se donošenje Odluke o raspisivanju Javnog poziva za izbor i imenovanje članova Komisije za odlučivanje po žalbi protiv prvostepenih akata Agencije za bankarstvo Federacije Bosne i Hercegovine (Drugostepena komisija), sa tekstom Javnog poziva.



Na osnovu člana 19. stav (1) tačka g), a u vezi sa članom 13. stav (1) Zakona o Agenciji za bankarstvo Federacije Bosne i Hercegovine („Službene novine Federacije BiH“, br. 75/17), člana 12. stav (1) tačka h) Statuta Agencije za bankarstvo Federacije Bosne i Hercegovine („Službene novine Federacije BiH“, br. 3/18) i Odluke o raspisivanju javnog poziva za izbor i imenovanje članova Komisije za odlučivanje po žalbi protiv prvostepenih akata Agencije za bankarstvo Federacije Bosne i Hercegovine (Drugostepena komisija), broj: U.O-72-11/22 od 24.02.2022. godine, Upravni odbor Agencije za bankarstvo Federacije Bosne i Hercegovine raspisuje

JAVNI POZIV
za izbor i imenovanje
članova Komisije za odlučivanje po žalbi protiv prvostepenih akata Agencije za
bankarstvo Federacije Bosne i Hercegovine (Drugostepena komisija)

I

- (1) Raspisuje se javni poziv za izbor i imenovanje 5 (pet) članova Drugostepene komisije Agencije za bankarstvo Federacije Bosne i Hercegovine (u daljem tekstu: Drugostepena komisija i Agecnija).
- (2) Imenovanje članova Drugostepene komisije vrši se na period od 4 (četiri) godine, sa mogućnošću ponovnog imenovanja.
- (3) Predsjednik i zamjenik predsjednika Drugostepene komisije će se imenovati iz sastava izabranih članova Drugostepene komisije.
- (4) Zamjenski članovi Drugostepene komisije iz člana 21. stav (2) Statuta Agencije će se birati sa liste kandidata koji su ušli u uži izbor u postupku po ovom javnom pozivu.

II

- (1) Kandidat za izbor i imenovanje u sastav Drugostepene komisije, pored uslova propisanih Zakonom o Agenciji za bankarstvo Federacije Bosne i Hercegovine i Statutom Agencije za bankarstvo Federacije Bosne i Hercegovine, mora ispunjavati opće i posebne uslove kako slijedi:
 - a) Opći uslovi:
 1. da je državljanin Bosne i Hercegovine;
 2. da se na njega ne odnosi član IX.I Ustava Bosne i Hercegovine;
 3. da nije osuđivan za krivično djelo iz oblasti finansija, tržišta kapitala, pranja novca i finansiranja terorističkih aktivnosti i kojem nije pravosnažnom presudom zabranjeno vršenje aktivnosti iz nadležnosti Agencije i oblasti finansija;
 4. da mu pravomoćnom presudom suda nije izrečena zaštitna mjera vršenja poziva, djelatnosti ili dužnosti, niti se vodi prekršajni postupak zbog prekršaja za koji se može izreći takva mjera;



5. da nije izabrani zvaničnik, nositelj izvršnih funkcija ili savjetnik u smislu Zakona o sukobu interesa u institucijama vlasti Bosne i Hercegovine („Službeni glasnik BiH“, br. 16/02, 14/03 i 12/04, 63/08 i 18/12);
6. da nije zaposlen niti član organa u Agenciji, ni subjektima bankarskog sistema, za koje je zakonom propisano da posluju pod nadzorom Agencije;
7. da nije u sukobu interesa u ličnom ili profesionalnom odnosu sa Agencijom.

b) Posebni uslovi:

1. visoka stručna sprema VII stepen stručne spreme, odnosno, visoko obrazovanje prvog ciklusa Bolonjskog sistema studiranja (koji se vrednuje sa 240 ECTS bodova) pravne ili ekonomske struke;
 2. dugogodišnje radno iskustvo, a najmanje 5 (pet) godina radnog iskustva iz oblasti upravnog postupka, upravnog nadzora, uskim specijalnostima, znanjima i vještinama u oblasti bankarstva, računovodstva i finansija;
 3. posjedovanje stručnih, profesionalnih znanja i sposobnosti za obavljanje poslova iz oblasti upravnog postupka, upravnog nadzora, te uskim specijalnostima, znanjima i vještinama u oblasti bankarstva, računovodstva i finansija;
 4. posjedovanje visokih moralnih kvaliteta.
- (2) Svi kandidati koji ispunjavaju uslove iz ovog poziva i koji dostave potpunu dokumentaciju, biće pozvani na intervju.
- (3) Lični podaci prijavljenih kandidata su tajni i mogu se prikupljati i obrađivati samo u skladu sa Zakonom o zaštiti ličnih podataka Bosne i Hercegovine.

c) Potrebna dokumentacija:

Uz prijavu potrebno je dostaviti slijedeću dokumentaciju:

- Kraću biografiju, adresu i kontakt telefon;
- Izvod iz matične knjige rođenih;
- Uvjerenje o državljanstvu;
- Dokaz o stručnoj spreml, o ispunjavanju uslova iz tačke II alineja b) pod 1;
- Dokaz o radnom iskustvu, o ispunjavanju uslova iz tačke II alineja b) pod 2;
- Izjava kandidata svojeručno potpisana, sa ovjerom potpisa od strane nadležnog organa, o ispunjavanju uslova iz tačke II alineja a) pod 2., 3., 4., 5., 6. i 7. ovog javnog poziva.

Prethodno navedena dokumentacija ne može biti starija od 30 dana, ukoliko zakonskim propisima nije predviđeno drugačije. Sva potrebna dokumenta kandidat dostavlja u originalnom primjerku ili ovjerenoj fotokopiji.

Kandidati koji budu izabrani, prije preuzimanja dužnosti, dužni su dostaviti:

- Uvjerenje da se ne vodi krivični postupak i uvjerenje o nekažnjavanju, izdato od strane nadležnog suda i nadležnog organa o ispunjavanju uslova iz tačke II alineja a) pod 3. i
- Uvjerenje nadležnog suda o ispunjavanju uslova iz tačke II alineja a) pod 4.

Konkurs ostaje otvoren 8 dana, računajući od narednog dana nakon objavljivanja. Prijava sa biografijom i svim traženim dokumentima dostavlja se lično u prostorijama Agencije ili putem preporučenog pisma, na adresu:
Agencija za bankarstvo Federacije BiH, Ul. Zmaja od Bosne br. 47b, 71.000 Sarajevo, n/p
Komisija za provedenje postupka po Javnom pozivu za Drugostepenu komisiju, sa naznakom „Prijava na Javni oglas za izbor i imenovanje članova Drugostepene komisije – ne otvarati“.

Neblagovremene i nepotpune prijave neće biti uzete u razmatranje.

Agencija nije obavezna vraćati dokumentaciju dostavljenu uz prijavu.

Broj : U.O.-72-11-01/22
Sarajevo, 24.02.2022. godine

**Predsjednica
Upravnog odbora**

mr. sc. Ljerka Marić, dipl. ecc

